

Inatsisissatut siunnersuummut nassuiaatit

Nalinginnaasumik nassuiaatit1. Aallaqqaasiut

Pisuussutini akitsuuseeriaasissatut siunnersuummi upernaakkut 2017-imi saqqummiunneqartumi suliffeqarfiit inuillu unerartitsisussaataitaasut akitsuutinillu akiliisussaataitaasut akitsuusiinermi tunngavimmik nalunaaruteqarnermi akiligassiissutit il.il. nalunaaruteqartumut tunngaviusut assilinerannik ilanngussisussaataaapput. Kisiannili akitsuuseeriaatsimik nutaamik 2018-imi atuutilersitsinerup kingorna inatsimmik ukiakkut 2018-imi arlalinnik naleqqusaaanermut atatillugu aalajangersakkap ulloq 1. januar 2019-imit atuutilersumik atorunnaarsinneqarnissaa aalajangerneqarpoq.

Allanguinermut tunngaviusoq tassaavoq taamanikkut assilinerisa taakku Akileraartarnermut Aqutsisoqarfimmut ingerlaavartumik nassiunneqartarnerat pisariaqartinneqanngimmat, tassa Akileraartarnermut Aqutsisoqarfik atortunik sulianut attuumassuteqartunik pissarsisinnaatitaassammat, tassunga ilanngullugit ilaatigut akileraarutiniq aqutsineq pillugu Inatsisartut inatsisaanni § 59 naapertorlugu aqutsisoqarfik nalunaarutit tunngaviannik misissuilersarpat assilineriniq pineqartunik.

Allanguinerulli kingorna akiligassiissutit Akileraartarnermut Aqutsisoqarfiup ingerlaavartumik nakkutilliineraniq akillu ineriartorneraniq ingerlaavartumik misissueqqissaarnermik suliaqarneranut, aalisagaqatigiinnut assigiinngitsunut niuernermi ileqqunik il.il. sulineraniq ikorfartuutaasinnaanerat paasinarsivoq. Taamaammallu suliffeqarfiit akitsuutinut akiliisussaataitaasut akiligassissutit akitsuusiinermut tunngavigineqartut assilineriniq uppernarsaatiniq ilanngussisarnissaannik malittarisassat atulerseqqinneqarnissaat naapertuuttutut isigineqarpoq.

2. Siunnersuummi immikkoortut pingaarnertit

Siunnersuutikkut suliffeqarfiit inuillu akitsuutinik akiliisussaataitaasut akitsuummik nalunaaruteqarnermut atatillugu akiligassiissutit il.il. assilineri atorlugit akitsuutit naatsorsorneqarnerannut uppernarsaatip ilanngunneqarnissaa pillugu piumasaaqat atuutilerseqqinneqarpoq.

Uppernarsaatit katersorneqartut naatsorsueqqissaarnermut misissueqqissaarnermullu siunertaqartumik ingerlatsinermi oqartussanut allanut tunniunneqarsinnaanerit ilanngullugu siunnersuutigineqarpoq. Maanna maleruagassat naapertorlugit paasissutissat

Akilerartarnermut Aqutsisoqarfiup katersugai, tunniussineq pisortat ingerlatsineranni sulianik ingerlatsineq pillugu Inatsisartut inatsisaanni § 32, imm. 1 naapertorlugu pinera eqqaassanngikkaanni, oqartussanut allanut tunniunneqarsinnaanngillat. Aalajangersagaq taanna naapertorlugu oqartussat, ingerlatsinermi oqartussap allap piumasaqarneratigut, ingerlatsinermi oqartussaasup paasissutissanik ingerlatsitseqqinnermut pisinnaatitaanera naapertorlugu, kiisalu paasissutissaq oqartussap allap ingerlatsineranut pisortatulluunniit aalajangigassaanut pingaaruteqarpat, paasissutissamik ingerlatitseqqissinnaapput.

Malittarisassat taakku aalisarnermut inuussutissarsiornermi nalitusiartortarnermik misissueqqissaarnissap ingerlanneqarnissaanut ajornakusoortitsisut paasineqarpoq, inuussutissarsiortunimmi paasissutissanik pisariaqartunik pissarsiniarneq ajornakusoornartortaqaamat. Naatsorsueqqissaarnermik misissueqqissaarnermillu siunertaqartumik atugassanik paasissutissanik katersineq, tassani assersuutigalugu nalitusiartornik misissueqqissaarnermik suliaqarnermi atugassanik katersinerit ilanngullugit, pisuussutinik iluaquteqarnermi akitsuusersueriaatsip siunertaq naapertorlugu atuunneranik kiisalu akilerartarnikkut suliffeqarfimmik ataatsimik arlalinnilluunniit nuussinermi akiliisitsisarnermik (transfer pricing) misissuinissamik aallartitsinissamik tunngavissaqartoqarneranik qularnaarinissamik siunertaqarput.

Kalaallit Nunaanni Naatsorsueqqissaartarfik pillugu maleruagassat maanna atuuttut naapertorlugit, paasissutissat Kalaallit Nunaanni Naatsorsueqqissaartarfiup katersugai ilisimatusarnerit inatsisinilluunniit piareersaasiorluni suliaqarnerit ingerlanneqarnissaanut pisariaqarjata, paasissutissat ilisimatusarnermut inatsisinillu piareersaasiornermi suliaqarnermut atugassatut ingerlateqqinneqarsinnaapput.

Kalaallit Nunaanni suliffeqarfiit ikittuinnaanerat pissutigalugu, amerlasuutigullu suliffeqarfinni ataasiakkaani ikittut ingerlatsillutilluunniit pingaarutilimmik inissisimasarnerat pissutigalugu, suliffeqarfiilluunniit aqqi CVR-ilu peeraluaraanni ilisarnarunnaarsinnissaat amerlasuutigut ajornarsinnaasarpoq.

Ulluinnarni ingerlatsinermi oqartussaasutut ingerlatsiviup tunngavissaqarluartumik paasissutissanik sukumiisunik naatsorsueqqissaarnermik misissueqqissaarnermillu suliassanik ingerlatsisinnaajumalluni pissarserusunnera, Kalaallit Nunaanni Naatsorsueqqissaartarfimmit itigartinneqartariaqarsinnaavoq. Taamattaaq pisut ilaanni niuernermit ingerlatsinermut tunngasut pissutigalugit paasissutissanik nutaanerpaanik pissarissinnaanerup itigartitsissutigineqarsinnaanera unammillernarsinnaasarpoq. Tamanna siunnersuutikkut ilanngullugu aaqqiiviginiarneqarpoq.

Ingerlatsinermi oqartussaasumut allamut paasissutissanik ingerlatitseqqinneq pillugu inatsisissatut siunnersuummut atatillugu, maanna inatsimmi aalajangersakkatut siunnersuutigineqartumut taarsiullugu, Kalaallit Nunaanni Naatsorsueqqissaartarfik pillugu Inatsisartut inatsisaanni aalajangersaagaareersup allangortittariaqarsinnaanera saqqummiussisoqarpoq, assersuutigalugu Naalackersuisunut ilaatitsinnginnernik aalajangersaasinnaanermik atulersitsinikkut.

Naalackersuisulli Kalaallit Nunaanni Naatsorsueqqissaartarfik pillugu Inatsisartut inatsisaanni ataatsimut piginnaatitsissutip Kalaallit Nunaanni Naatsorsueqqissaartarfiup ingerlataanut tamanut atorneqarsinnaanera, taamaalillunilu siunnersuummi uani immikkoortut aalajangersimasunut ilaatinneqartussatut kissaatigineqartuni taamaallaat atuutissannginnera nalilerpaat. Taamaammat aaqiissutissatut siunnersuutigineqartoq naapertuunnerpaatut isigineqarpoq.

Inatsisissatut siunnersuut inatsimmut atuuttumut sanilliullugu	
<i>Oqaasertaa atuuttoq</i>	<i>Inatsisissatut siunnersuut</i>
	§ 1
	Kalaallit Nunaanni aalisarnermi pisarineqartut isumalluutininik atuinnermut akitsuutit pillugit Inatsisartut inatsisaat nr. 46, 23. november 2017-imeersoq, Inatsisartut inatsisaatigut nr. 13, 27. november 2018-imeersukkut allangortinneqartoq imatut allangortinneqarpoq:
Kalaallit Nunaanni aalisarnermi pisarineqartut isumalluutininik atuinnermut akitsuutaat pillugit Inatsisartut inatsisaat	1. Inatsisip qulequtaa ima oqaasertalerneqassaaq: “Aalisarnermi pisarineqartut isumalluutininik atuinnermut akitsuutaat pillugit Inatsisartut inatsisaat”
§ 13 Imm. 2. Suliffeqarfiit inuillu akitsuutininik akiliisussaasut § 1, imm. 1-imi taaneqartut, piffissap akitsuusiiffiusup qaangiunnerani, kingusinnerpaamillu piffissap	2. § 13-imi imm. 2-p kingorna imm. nutaatut ikkunneqassaaq ”Imm. 3. Akiligassiissutit il.il. nalunaarummut tungaviusut assilineri nalunaarummut ilanngunneqassapput.”

<p>akitsuusiiffiusup qaangi-unnerata kingorna qaammammi ulluinnarmi kingullermi:</p> <ol style="list-style-type: none"> 1) akitsuusigassat nalunaarutigissavaat, 2) taakku akitsuutitaat nalunaarutigissavaat, kiisalu 3) akitsuut akileraaruseriffimmut akilissallugu. <p>Imm. 3. Nalunaarummut ilanngullugit nassiunneqassapput uppersaatit il.il. nalunaarummut tunngavigineqartut assilineqarneri.</p> <p>Imm. 4. Nalunaarut imm. 1-imi pineqartoq piffissaagallartillugu nassiunneqanngippat akiliisitsissut piffissami akitsuutip akilerneqartussap 2 procentianik angissusilik, taamaattorli minnerpaamik 500 kr.-iusoq akilerneqassaaq.</p>	<p><i>imm. 3-4 tamassuma kingorna imm. 4-5-inngussapput.</i></p>
	<p>3. § 15-ip kingorna ikkunneqassaaq: <i>”Paasissutissanik ingerlatitseqqinneq”</i></p> <p>§ 15 a. Paasissutissat suliffeqarfiit akitsuutininik akiliisussaataasut tunniussaat aqutsinermiit oqartussanut allanut naatsorsueqqissaarnermi nalilersuinermilu siunertanut atugassatut tunniunneqarsinnaapput.</p> <p><i>Imm. 2.</i> Naalakkersuisut akileraarutininik aqutsisoqarfiup paasissutissanik tigusaminik suliarinnittarneranut, tassunga ilanngullugit paasissutissat suut, siunertanut sunut qanorlu iliorluni tunniunneqarsinnaasut pillugit malittarisassiorsinnaapput.”</p>
<p>§ 17</p> <p>Imm. 1. Piaaraluneerluni mianersuaalliorujussuarluniluunniit § 1,</p>	<p>4. § 17,. 1 imatut oqaasertalerneqassaaq: ” § 1, imm. 1, § 11, imm. 2, § 12, imm. 1, § 13, imm. 1-3-mik imaluunniit § 14 naapertorlugu akiliinissamut piffissarititap</p>

<p>imm. 1-imik, § 11, imm. 2-mik, § 12, imm. 1, § 13, imm. 1 imaluunniit imm. 2, imaluunniit § 14 naapertorlugu sivikinnerusumik akiliinissamut piffissaliinermik imaluunniit qularnaveeqqusiinissamik peqquneqarneq unioqqukkanni, taamaaliorneq Kalaallit Nunaanni Pinerluttulerinermik inatsimmi maleruagassat naapertorlugit pineqaatissiissutigineqarsinnaavoq.”</p>	<p>sivikinnerusup atorneqarnissaanik imaluunniit qularnaveeqqusiinissamik peqqussuteqarnermik piaaraluni mianersuaalliorujussuarluniluunniit unioqquטיםineq Kalaallit Nunaannut pinerluttulerineq pillugu inatsit malillugu pineqaatissiinermik kinguneqarsinnaapput.”</p>
	<p style="text-align: center;">§ 2</p> <p>Inatsisartut inatsisaat ulloq 1. januar 2022 atuutilersinneqarpoq aamma aalisakkat pisarineqartunut imaluunniit ulloq 1. januar 2022 kingusinnerusukkulluunniit tunniunneqartunut atuulluni.</p>

3. Pisortanut aningaasaqarnikkut allaffissornikkullu kingunerisassat

Ilimagineqarpoq atortut suliffeqarfiit Akileraartarnermut Aqutsisoqarfimmut nalunaarutigisassaamut amerlissasut. Ilimagineqanngilarli uppersaasatit nalunaarutigineqartut amerlinerisa pisortat allaffissorneranni isumaluutinik atuineq annertusisissagaat. Tamassumunnga pissutaavoq akiligassiissutit tamarluinnaasa ingerlaavartumik misissorneqartarnissaat siunertaanngimmat, ingerlaavartumilli tigusillattaarluni misissuisoqaannartassamat. Tamanna Akileraartarnermut Aqutsisoqarfik nalunaarsuiffimmini akiligassiissutinik uppersaasatissanik pisariaqartitsiguni suliffeqarfimmut aalajangersimasunut saaffiginninnani akitsuutini tunngavinnik misissuinerimi piffissamik sipaarnissamut tapersissaaq pitsaassuserlu qaffatsillugu.

4. Inuussutissarsiortunut aningaasaqarnermi allaffissornermilu kingunerisassat

Ilimagineqartariaqarpoq suliffeqarfiit tunisinermi akiligassiissutinik suliaqartareersut akitsuutillu tunngaviinik nalunaaruteqarnermut atatillugu atussagaat. Taamaattorli suliffeqarfiit akiligassiissutinik katersuinerimi inatsisitigullu pisussaaffiusunik akitsuutinut tunngavinnik nalunaaruteqarnermi akitsuutinillu akiliinermi sulinerimi qaangiuttooruteqalaartassapput. Taamaammatt siunnersuut aningaasatigut allaffissornikkullu inuussutissarsiortunut annikinnerusumik kinguneqassasoq naatsorsuutigineqarpoq.

Uppernarsaatissatut piumasaqaatinut tunngasunik unioqquitsineq inatsimmi § 17, imm. 1 naapertorlugu pineqaatissiinermik kinguneqarsinnaavoq.

5. Pinngortitamut, avatangiisinut innuttaasullu peqqissusiannut kingunerisassat

Siunnersuut pinngortitamut, avatangiisinut innuttaasullu peqqissusiannut kinguneqanngilaq.

6. Innuttaasunut kingunerisassat

Siunnersuut innuttaasunut kinguneqanngilaq.

7. Kingunerisassat pingaaruteqartut allat

Inatsisissatut siunnersuut naalagaaffigeqatigiinnermut tunngassuteqanngilaq.

8. Oqartussanik kattuffinnillu il.il. tusarniaaneq.

Siunnersuut 30. november 2020-mit 6. januar 2021-mut tusarniaaffigineqartunut ukununga tusarniutigineqarpoq: Sulisitsisut (GE), NUSUKA, Sulinermik Inuussutissarsiuteqartut Kattuffiat (SIK), KNAPK, SQAPK, Avannaata Kommunua, Kommune Qeqertalik, Qeqqata Kommunua, Kommuneqarfik Sermersooq, Kommune Kujalleq, Siulittaasup Naalakkersuisoqarfia, Isumaginninnermut, Ilaqutariinnut Inatsisillu atuutsinneqarnerannut Naalakkersuisoqarfik, Inuussutissarsionnermut Naalakkersuisoqarfik, Ineqarnermut Attaveqatigiinnermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Ilinniartitaanermut, Kultuurimut Ilageeqarnermullu Naalakkersuisoqarfik, Deloitte, Grønlands Revisionskontor, BK Revision, EY Grønland, GrønlandsBANKEN, BankNordik aamma BDO.

Royal Greenland A/S (RG), Sulisitsisut (GE), Naalakkersuisut Siulittaasuata Naalakkersuisoqarfia, Aalisarnermut, Piniarnermut Nunalerinermullu Naalakkersuisoqarfik, Ilinniartitaanermut, Kultuurimut Ilageeqarnermullu Naalakkersuisoqarfik, Nunanut allanut tunngasunut Naalakkersuisoqarfik BankNordikimillu tusarniaanermut akissutinik tigusaqartoqarpoq.

Tulliuttuni tusarniaanermut akissutit sammineqarput. Naalakkersuisut oqaatigisaat uigasunngorlugit allanneqarput.

Aalisarnermut, Piniarnermut Nunalerinermullu Naalakkersuisoqarfik Aalisarnermut, Piniarnermut Nunalerinermullu Kalaallit Nunaanni aalisarnermi pisarineqartut isumalluutinik atuinermut akitsuutit pillugit Inatsisartut inatsisaata allanngortinneqarnera pillugu Inatsisartut inatsisissaatut siunnersuut tamakkiisumik Naalakkersuisoqarfiup tapersersorpaa.

Sulisitsisut (GE)

Tusarniaassutigineqartup imarisaa annertuunik pisariusunillu inuussutissarsiortunut kinguneqarnerat, siunnersuummilu kingunerisassaqaanginnissamik oqaatigisaqartoqaanginnera pissutigalugu, tusarniaanerp ulloq 1. Februar 2021-p tungaanut kinguartinneqarnissaa, Sulisitsisut tusarniaanermut akissumminni oqaatigaat.

Kalaallit Nunaanni aalisarnermi pisarineqartut isumalluutininik atuinermt akitsuutit pillugit Inatsisartut inatsisaata allanngortinneqarnera pillugu Inatsisartut inatsisissaatut siunnersuut pillugu Gorrissen Federspielip ulloq 27. januar 2021 allakkiaa Sulisitsisut ilanngullugu nassiuppaat.

Allakkiami siunnersuutip Kalaallit Nunaanni marloqiusamik akileraanginnissaq pillugu isumaqatigiissutaanut kiisalu inatsisissatut siunnersuutip uppernarsaatinik nassitsinissamut piumasagaatai sammineqarput.

Allakkiami isorineqartutut taaneqartut, siunnersuutip allannguutaani akitsuutip akilerneqarnissaannut piffissaliussanut tunngasortaasa peerneqarnerisigut naaperiaaffiginiarneqarput.

Inatsisissatut siunnersuutip uppernarsaatinik nassitsisarnissamut piumasagaataanut tunngatillugu, Akileraartarnermt Aqutsisoqarfiup akitsuummik ingerlaavartumik nakuutilliinermik suliaqarnera eqqarsaatigalugu, akitsuutinut tunngavigineqartut nalunaarutigineqarneranut atatillugu ingerlaavartumik uppernarsaatinik nassitsisarnermik piumasagaatit eqquteqqinneqarnissaat pisariaqartutut nalilerneqarpoq. Piumasagaat ingerlatsinermi paasissutissanillu inatsisitigut illersuinermt periutsinut akerliusutut nalilerneqaangilaq.

Siunnersuut avammut niuertunut nunattalu karsianut aningaasartuutaassannginneranik oqaatigineqartoq kukkusuusoq Sulisitsisut oqaatigaat. Allanut tuniseqqinnermik aki tunisassiap Kalaallit Nunaannit avammut tunineqarnerani akilerneqartutut innissaanik isummerneq siunnersuutip suliarilluagaannginneranut, taamatullu aamma siunnersuutip suliarineqarneranut atugassatut paasissutissanik attuumassuteqartunik inuussutissarsiortunit pissarsisoqarsimannginneranik ersarissutimik takutitsisoq, Sulisitsisut oqaatigaat.

Allaffeqarfiup annikinnerusumik annertunerusumilluunniit sattaaserluni sulineranik, taamatullu inuussutissarsiortut pissutsinik piviusunik ilisimasaqartut siunnersuummik naammassillugu suliarineqartumut isummertussaanerannik nassataqartumik suleriaatsimik atuisoqarnera Sulisitsisut naapertuuttuutinngilaat.

Siunnersuutip toqqammavigisaanik kingunerisassanullu oqaatigineqartut akitsuutip akilerneqarnissaanut piffissaliussap allanngortinneqannginneratigut naaperiaassutiginiarneqarput. Taamaalilluni akitsuusersueriaaseq maanna atorneqartoq allanngortinneqanngilaq.

Pisuni tamangajanni allamut tunisanut akiligassanngortinneqartut, Kalaallit Nunaannit avammut niuernermi akiligassiissutigineqartut atorneqartunit qaffasinnerusarnera Sulisitsisut oqaatigaat. Allamut tunisinermi nioqqutissamit Danmarkimi qerititsivimmit nassitseqqinnermi aningaasartuutit assigiinngitsut ilanngunneqartarnerat Sulisitsisut tassunga tunuliaqutaasutut oqaatigaat, tassani tunisinermi allaffissornermilu, akitsuutinut assigiinngitsunut, assartuinnermut, passussinnermut, uninngatitsinnermut il.il. aningaasartuutit tuniseqqinnermi matussuserneqartussat ilanngullugit.

Nioqqutissamik Kalaallit Nunaannit avammut nioqqutigineqartumik tuniseqqinnerup tamatigut attuumassuteqanngitsumut allamut pisarnera inatsisissatut siunnersuummi toqqammavioorpasittoq Sulisitsisut allapput, taamaattoqanngilarli. Assersuutigalugu nioqqutissat poortoqqinneqarsinnaapput, aammali suliareqqiisoqarsinnaavoq, taamaalillunilu nioqqutissaq avammut tunineqartumit allaanerusoq akisunerusorlu pineqalerluni.

Siunnersuutip toqqammavigisaanik kingunerisassallu oqaatigineqartut akitsuutip akilerneqarnissaanut piffissaliussap allanngortinneqannginneratigut naaperiaassutiginiarneqarput. Taamaalilluni akitsuusersueriaaseq maanna atorneqartoq allanngortinneqanngilaq.

Akileeqqussutinik amerlasoorpassuarnik nassitsisoqartalernissaanik siunnersuut allaffissornikkut kinguneqassasoq Sulisitsisut oqaatigaat. Akileeqqussutit pineqartut amerlassusaat tunngavigalugu tamatuma teknikikkut naammassineqarsinnaanerat Sulisitsisut qularaat. Tassanilu ilaatigut akileeqqussutit russisut japanimiusulluunniit oqaasertallit pineqarput.

Siunnersuutip toqqammavigisaanik kingunerisassallu oqaatigineqartut akitsuutip akilerneqarnissaanut piffissaliussap allanngortinneqannginneratigut atortussiat nassiunneqartussat annertussusaat pillugit akerliliissutit naaperiaassutigineqarput. Tassani atortussiat oqaatsit allat aningaasallu allat atorlugit suliarineqartut. Taamaattoq akitsuusiussamut tunngavigisamik naatsorsuinnermut atatillugu ingerlaavartumik uppersaatinik nassitsisarnissamik piunasaqaat allanngortinneqanngilaq.

Sulisitsisut paasissutissat isumannaatsuunissaat, oqartussaasut paasissutissanik pissarsiaminnik passussineranni atortinneqartariaqartoq erseqqissaatigaat, tassani suiassamut naammattunit annertunerusunik paasissutissanik pissarsisoqartannginnissaa ilanngullugu.

Akileeqqussutit tuusintilikkaat taamaallaat nalaatsornikkut tigusanik nakkutilliinissamik siunertaqartumik nassiussorneqartarnissaannik siunnersuutip siunnerfeqarnera Sulisitsisut akuersaarnartuutinnigilaat. Atortussiat nakkutilliinermut atorneqartussat kisimik nassiunneqartariaqartut Sulisitsisut isumaqarput.

Paasissutissat oqartussanut allanut tunniuteqqinneqartarnerat taamaallaat suliffeqarfimmit nalunaarutiginnittumik akuersisitsinikkut pisarnissaa Sulisitsisut ilanngullugu oqaatigaat.

Siunnersuutip toqqammavigisaanik kingunerisassallu oqaatigineqartut akitsuutip akilerneqarnissaanut piffissaliussap allanngortinneqannginneratigut atortussiat nassiunneqartussat annertussusaat pillugit akerliliissutit naaperiaassutigineqarput. Taamaattoq akitsuusiussamut tunngavigisamik naatsorsuineranut atatillugu ingerlaavartumik uppersaatinik nassitsisarnissamik piumasaqaat allanngortinneqanngilaq.

Siunnersuutip eqqunngitsunik toqqammaveqarnera pissutigalugu, siunnersuut maannakkutut iluseqarluni piviusunngortinneqartariaqanngitsoq Sulisitsisut naggasiullugu oqaatigaat.

Royal Greenland A/S (RG)

RG-p tusarniaanermut akissutini Sulisitsisut aqqutigalugit nassiullugu RG-p tusarniaanermut akissummini oqaatigaa. Tusarniaanermut RG-p ilassutigisai, RG-p siunnersuummut ilassutitut oqaatigisaatut tusarniaanermut akissummut ilanngullugit nassiunneqarput. RG-p naliliinera naapertorlugu siunnersuut eqqunngitsunik toqqammaveqartoq tassani atuarneqarsinnaavoq. Tassani siunnersuutip aningaasatigut kingunerisa avammut tunisassiortunut nunattalu karsianut aningaasartuuteqarfiunnginnissaanik toqqammavik ilanngullugu.

Taamaattoqassanngitsoq RG-p tikkuarpaa.

Paasissutissat naleqarnerulernermik misissuinerami 2019-ip ukiaanerani 2020-llu upernerani suliarineqartunut ilaasut atorneqarpata, naleqarnerulernerup qanoq pisariutiginera paasineqassasoq RG-p ilanngullugu oqaatigaa.

Inuussutissarsiortut suliap ingerlanerani siusinnerusukkut ilanngunneqarsimagaluarpata, inuussutissarsiortut paasissutissanik attuumassuteqartunik tapertaliisinnaagaluartut, tamannalu pissutsinut piviusunut naapertuunnersumik siunnersuusiornermut periarfissiisimassagaluartoq, RG- p oqaatigaa.

Siunnersuutip toqqammavigisaanik kingunerisassallu oqaatigineqartut akitsuutip akilerneqarnissaanut piffissaliussap allanngortinneqannginneratigut naaperiaassutiginiarneqarput. Taamaalilluni akitsuusersueriaaseq maanna atorneqartoq allanngortinneqanngilaq.

Naleqarnerulernerup pisariuneranut tunngatillugu, pisuni tamarluinnangajanni allamut tunisinermi akileeqqusummi aki, Kalaallit Nunaannit avammut tunisinermi akileeqqusummi akitut atorneqartumit qaffasinnerusartoq RG-p oqaatigaa.

Akitsuutip akilerneqarnissaanut piffissaliussap allanngortinneqannginneratigut, akitsuusersueriaatsip allanngortinnerani toqqammavigineqartunut akerliliissutit naaperiaassutigineqarput.

Suliffeqarfimmut RG-tulli angitigisumut akileeqqussuterpassuit nassiunneqartarnissaat siunnersuutip allaffissornikkut nassatarissavaa. RG-p piumasagaat teknikikkut naammassisinnaanerlugu qularaa.

Nakkutilliinissamut siunertaqartumik atortussianik suliffeqarfinnit pissarsiniarneq ajornakusoortartoq paasinarsivoq. Taamaammat atortussiat nassiunneqarlutillu ingerlaavartumik nakkutigineqarnissaat, pisariitsumik nakkutilliineq isumannaarniarlugu pisariaqartutut nalilerneqarpoq.

Siunnersuut aningaasaqarnikkut eqqunngitsunik toqqammaveqartoq manna ilusimisut iluseqartillugu piviusunngortinneqassanngitsoq RG-p inerniliutigaa.

Maanna aaqqissuussineq ilanngunneqareersoq ilisimaneqareersorlu, RG-p naliliinera naapertorlugu ingerlalluortoq RG-p oqaatigaa.

Allannguutissatut siunnersuutigineqartoq pisariaqanngitsoq, inuussutissarsiortullu ilaasa malittarisassat maanna atuuttut tamakkiisumik malinngikkaat isumaqartoqarpat, oqartussaasut tamanik eqquisumik allannguinatik, aalisartitseqatigiiffinnut pineqartunut iliuuserisinnaasatut periarfissat pioreersut atorlugit iliuuseqartariaqartut RG-p oqaatigaa.

Siunnersuutip toqqammavigisaanik kingunerisassallu oqaatigineqartut akitsuutip akilerneqarnissaanut piffissaliussap allanngortinneqannginneratigut naaperiaassutiginiarneqarput.

BankNordik, Nunanut allanut tunngasunut Nukissiuuteqarnermullu Naalackersuisoqarfik
kiisalu Ilinniartitaanermut, Kulturimut Ilageeqarnermullu Naalackersuisoqarfik
siunnersuummut oqaatigisassaqaangillat.

Inatsisissatut siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Oqaaseq ”Kalaallit Nunaanni” inatsisip qulequtaanit peerneqassasoq siunnersuutigineqarpoq.

Inatsisip taamaallaat Kalaallit Nunaanni atuutsinneqannginnera, aammali Kalaallit Nunaata avataanni, soorlu Svalbardip eqqaani atortinneqarnera, allannguutip tunuliaqutaraa.

Qulequttamik allannguineruttaaq kalaallisoortaata oqaasiliornera eqqortunngortissavaa.

Nr. 2-mut

Suliffeqarfiit inuillu akitsuutinik akiliisussaatitaasut § 1, imm. 1-imi taaneqartut akitsuutinut tunngavimmik nalunaaruteqarnermut atatillugu akileraaruseriffiup akitsuutinik naatsorsorneqartunik misissuinissaa siunertaralugu akiligassiissutit il.il. nalunaaruteqarnermi tunngaviusut assilinerat ilanngutissagaat siunnersuutigineqarpoq.

Nr. 3-mut

Aalajangersagaq inatsisip paasissutissanik ingerlatitseqqittarneq pillugu immikkoortumik nutaamik ilaneqarnerata kinguneranik inatsimmik aqqissuinermi qulequttamik ilanngussinerup kinguneraa.

Akileraaruseriffiup paasissutissat inunnit suliffeqarfinnillu unitsitsisussaatitaasunit akitsuutinillu akiliisussaatitaasunit tigusai naatsorsueqqissaarnermi nalilersuinermilu siunertaqarneq siunertaralugu aqutsinermi oqartussanut allanut ingerlateqqissinnaagai suliarisinnaallugillu siunnersuutigineqarpoq.

Paasissutissanut ilaatigut tunisinermi akinik, oqartussaasut namminersortuni naleqarnerulernerup misissoqqissaarnissaanut atatillugu atugassaannik, suliarinninnerit annertussusaannik il.il. pissarsiniarnernik ilaqarsinnaapput.

Naalackersuisut aalajangersakkami aamma paasissutissat suut tunniunneqarnissaannik qinnuiginnissinnaaneq paasissutissallu akileraaruseriffimmut qanoq atugassanngortinneqarnissaat pillugit sukumiinerusunik malittarisassiornissamat piginnaatinneqarput.

Nr. 4-mut

Kalaallit Nunaanni pinerluttulerineq pillugu inatsimmi § 17, imm. 1-imi malittarisassat malillugit pineqaatissiisarneq pillugu malittarisassat nr. 1-imi malittarisassatut siunnersuutigineqartut unioqqutinneqarnerani atorneqarsinnaasunngorlugit annertusineqassasut siunnersuutigineqarpoq.

§ 2-mut

Inatsisartut inatsisaat ulloq 1. januar 2022 atuutilersinneqassasoq aamma aalisakkanut ulloq 1. januar 2022 kingusinnerusukkulluunniit pisinneqartunut tunniunneqartunulluunniit atuutissasoq siunnersuutigineqarpoq.